



Adroddiad Blynyddol 2020/21

Cyflwyniad

Rydym yn falch o gyflwyno Adroddiad Blynyddol MAPPA 2020/21 ar gyfer Bwrdd Rheoli Strategol Trefniadau Amlasiantaethol ar gyfer Amddiffyn y Cyhoedd Gwent Cymru.

Mae 2021 wedi bod yn flwyddyn heriol arall gyda pharhad pandemig byd-eang COVID-19 a'r effaith mae hyn wedi'i chael ar ein cymunedau a'r ffordd rydym yn gweithio. Mae wedi effeithio ar lawer o sefydliadau ac, o ganlyniad, mae wedi arwain at newidiadau yn y ffordd y caiff gwasanaethau eu cynnal. Fodd bynnag, nid yw'r cyfnod digynsail hwn wedi effeithio ar effeithiolrwydd MAPPA. Mae hyn oherwydd ymrwymiad pob sefydliad sy'n ymwneud â'r gwaith o sicrhau mai diogelu'r cyhoedd yw ein prif flaenoriaeth i gadw ein cymunedau'n ddiogel.

Mae'r adroddiad hwn yn amlinellu'r gwaith y mae'r Bwrdd Rheoli Strategol wedi'i wneud i wella effeithiolrwydd MAPPA yn ystod y flwyddyn o ran rheoli troseddwy'r rhyw a threisgar er mwyn lleihau aildroseddu a diogelu'r cyhoedd. Mae hefyd yn gyfle i ni ddangos ein hatebolrwydd i'r cymunedau lleol rydym yn eu gwasanaethu.

Mae diogelu'r cyhoedd yn hanfodol i Awdurdod Cyfrifol MAPPA (yr Heddlu, Carchardai a'r Gwasanaeth Prawf Cenedlaethol) ac mae popeth rydym yn ei wneud yn canolbwyntio ar sicrhau diogelwch parhaus ein cymunedau. Cefnogir hyn gan gyfraniad gwerthfawr y Ddyletswydd i Gydweithredu ac Asiantaethau eraill. Mae troseddau rhywiol a threisgar yn ganran fechan o'r troseddau y mae'r pedair cwnstablïaeth ledled Cymru yn ymdrin â nhw. Fodd bynnag, mae'r effaith ddinistriol y mae'r digwyddiadau hyn yn ei chael ar ddioddefwyr a chymunedau yn enfawr. Mae'r adroddiad hwn yn rhoi sicrwydd i aelodau'r cyhoedd bod gwaith yn parhau 24 awr y dydd, saith niwrnod yr wythnos i ddiogelu'r cymunedau rydym yn byw ynddynt.

Nid yw byth yn bosibl dileu'n llwyr y risgiau a achosir gan droseddwy'r difrifol. Fodd bynnag, yr hyn y gellir ei ddisgwyl yw bod pob cam rhesymol yn cael ei gymryd i leihau'r risg o niwed difrifol i'r cyhoedd gan droseddwy'r hysbys ac i hybu adsefydlu. Felly, mae'r adroddiad hwn yn cynnwys gwybodaeth ystadegol am y rhai sydd wedi cael eu rheoli dan MAPPA yn ystod y flwyddyn fusnes ddiwethaf ac mae'n darparu gwybodaeth am sut mae'r trefniadau hyn yn gweithio'n ymarferol yn lleol.

Gwelwyd datblygiadau sylweddol yn dilyn adolygiad annibynnol o ddulliau rheoli unigolion sy'n gysylltiedig â gwrthderfysgaeth. Oherwydd hynny, mae'r Gwasanaeth Prawf wedi creu Adran Diogelwch Gwladol arbenigol, ymroddedig a medrus iawn a fydd yn darparu lefel uwch o reolaeth ac ymyrraeth ar gyfer

y troseddwy'r mwyaf risg uchel, cymhleth ac uchel eu proffil yn y gymuned. Bydd staff arbenigol yn cyflwyno set well o safonau cenedlaethol i reoli troseddwy'r terfysgol, troseddwy'r cyfundrefnol difrifol ac achosion eraill sy'n hanfodol i ddiogelu'r cyhoedd. Bydd MAPPA yn allweddol i reolaeth aml-asiantaethol unigolion yn y garfan hon.

Mae llwyddiannau'r Bwrdd Rheoli Strategol yn adlewyrchu'r cyfraniadau sylweddol a wnaed gan yr holl asiantaethau sy'n ymwneud â MAPPA ledled Gwent a hoffem ddiolch i'n holl bartneriaid sydd wedi cyfrannu at y trefniadau hyn dros y flwyddyn ddiwethaf. Mae hyd a lled y profiad a'r arbenigedd o ran rheoli achosion MAPPA yn eithriadol ac nid oes amheuaeth o'r ymrwymiad mae asiantaethau'n ei ddangos i gyrraedd y safonau uchaf. Rydym hefyd yn hyderus bod yr adroddiad hwn yn dangos ymrwymiad a phroffesiynoldeb ein staff nad yw eu gwaith anodd a chymhleth yn aml yn derbyn sylw cyhoeddus. Mae eu hymroddiad yn allweddol i sicrhau bod ein cymunedau'n aros yn ddiogel.

Wrth argymhell yr adroddiad hwn i chi, rydym yn gobeithio y bydd yn rhoi cipolwg gwerthfawr ar ein gwaith ac yn rhoi sicrwydd mai diogelu'r cyhoedd ac anghenion dioddefwyr yw ein prif flaenoriaethau o hyd.

Nicola Davies
Cyfarwyddwr Rhanbarthol Cymru
Y Gwasanaeth Prawf Cenedlaethol



Beth yw MAPPA?

Cefndir MAPPA

Cyfres o drefniadau yw MAPPA (Trefniadau Amlasiantaethol ar gyfer Amddiffyn y Cyhoedd) i reoli'r risg a gyflwynir gan y troseddwr rhyw, terfysgaeth a threisgar gwaethaf (troseddwr cymwys am MAPPA) o dan ddarpariaethau rhannau 325 i 327B o Ddeddf Cyfiawnder Troseddol 2003.

Mae'n dod â'r Heddlu, y Gwasanaeth Prawf a'r Gwasanaeth Carchardai ym mhob un o'r 42 o ardaloedd yng Nghymru a Lloegr o dan gorff sy'n cael ei alw'n Awdurdod Cyfrifol MAPPA.

Mae gan nifer o asiantaethau eraill Ddyletswydd i Gydweithredu (DTC) â'r Awdurdod Cyfrifol. Maent yn cynnwys y Gwasanaethau Cymdeithasol, Gwasanaethau Iechyd, Timau Troseddwr Ifanc, Y Ganolfan Byd Gwaith a'r Awdurdodau Addysg a Thai Lleol.

Y Byrddau Rheoli Strategol Lleol sy'n cynnwys uwch gynrychiolwyr o bob un o'r Awdurdodau Cyfrifol ac asiantaethau DTC sy'n gyfrifol am gyflwyno MAPPA yn eu hardaloedd. Mae'n ofynnol hefyd i'r Awdurdod Cyfrifol benodi dau Gynghorydd Lleyg i eistedd ar Fwrdd Rheoli Strategol pob ardal MAPPA.

Mae'r Cynghorwyr Lleyg yn aelodau o'r cyhoedd a benodir gan y Gweinidog, sydd heb unrhyw gysylltiad â'r busnes o reoli troseddwr MAPPA ac sy'n gweithredu fel arsylwyr annibynnol ond gwybodus; medrant ofyn cwestiynau na fyddai staff proffesiynol yn gweithio yn y maes efallai'n meddwl eu gofyn. Maent hefyd yn cyfrannu eu dealltwriaeth a'u persbectif ar y gymuned leol at y Bwrdd Rheoli Strategol (mae'n rhaid bod ganddynt gysylltiadau cryf â'r gymuned leol a'u bod yn byw yno).

Sut y mae MAPPA yn gweithio

Mae troseddwr sy'n gymwys ar gyfer MAPPA yn cael eu pennu ac mae gwybodaeth amdanynt yn cael ei rhannu rhwng asiantaethau fel sail i asesiadau risg a chynlluniau rheoli risg y bobl sy'n eu rheoli neu eu goruchwyllo.

Dyna gyn belled ag y mae MAPPA yn mynd yn y rhan fwyaf o achosion. Ond, mewn rhai achosion, mae

angen goruchwyliaeth ar lefel uwch a rheolaeth amlasiantaethol strwythuredig. Mewn achosion o'r fath, bydd ymarferwyr yr asiantaethau perthnasol yn mynychu cyfarfodydd rheolaidd MAPPA.

Mae tri chategori o droseddwr sy'n gymwys ar gyfer MAPPA:

- **Categori 1** – troseddwr rhyw cofrestredig;
- **Categori 2** – troseddwr treisgar yn bennaf sydd wedi eu dedfrydu i 12 mis neu fwy yn y carchar neu i orchymyn ysbyty; a
- **Categori 3** – troseddwr nad ydynt yn gymwys o dan gategori 1 na 2 ond sy'n cyflwyno risg o niwed difrifol ar y pryd.

Mae tair lefel o reolaeth i sicrhau bod yr adnoddau'n canolbwyntio ar yr achosion lle mae eu hangen fwyaf; fel arfer, y rheini sy'n peri risg uwch o niwed difrifol.

- **Lefel 1** yw lle mae'r troseddwr yn cael ei reoli gan y brif asiantaeth drwy gyfnewid gwybodaeth a darparu cymorth aml-asiantaeth yn ôl yr angen ond heb gyfarfodydd MAPPA ffurfiol;
- **Lefel 2** yw lle mae angen cyfarfodydd MAPPA ffurfiol i reoli'r troseddwr.
- **Lefel 3** yw lle mae'r cynlluniau rheoli risg yn gofyn am bresenoldeb ac ymrwymiad adnoddau ar lefel uwch mewn cyfarfodydd MAPPA.

Cefnogir MAPPA gan ViSOR. System Technoleg Gwybodaeth genedlaethol yw hon i helpu i reoli troseddwr sy'n cyflwyno risg ddifrifol o niwed i'r cyhoedd. Mae defnyddio ViSOR yn ei gwneud yn haws rhannu gwybodaeth ar draws sefydliadau a throsglwyddo gwybodaeth allweddol yn ddiogel pan fydd troseddwr risg uchel yn symud, gan wella unrhyw fesurau diogelu'r cyhoedd. Mae ViSOR yn golygu bod staff yr Heddlu, y Gwasanaeth Prawf a Charchardai'n gallu gweithio ar yr un system TG am y tro cyntaf, gan wella ansawdd a phrydlondeb asesiadau risg ac ymyriadau i atal troseddu.

MAPPA a Therfysgaeth

Mewn ymateb i'r ymosodiad terfysgol a gyflawnwyd gan Usman Khan yn Neuadd Fishmongers ar 29 Tachwedd 2019, cafodd Jonathan Hall CF, sef Adolygwr Annibynnol y Ddeddfwriaeth Terfysgaeth, ei gomisiynu gan yr Ysgrifennydd Cartref a'r Arglwydd Ganghellor i gynnal adolygiad o MAPPA a dulliau rheoli terfysgwyr hysbys a throeddwy'r eithafol eraill (Troeddwy'r TACT). Roedd yr ymosodiad terfysgol a gyflawnwyd gan Sudesh Amman yn Streatham High Road ar 2 Chwefror 2020 yn atgyfnerthu'r angen am adolygiad, gan fod Khan ac Amman wedi cael eu rheoli dan MAPPA. Cyhoeddodd y llywodraeth yr adroddiad ar 2 Medi 2020 a chyhoeddodd ymateb iddo ar 9 Rhagfyr. Mae'r ddwy ddogfen ar gael yn <https://www.gov.uk/government/publications/multi-agency-public-protection-arrangements-review>. Roedd yr adroddiad yn cynnwys nifer o argymhellion, ac mae nifer ohonynt wedi cael eu rhoi ar waith drwy Ddeddf Gwrthderfysgaeth a Dedfrydu 2021 a Bil yr Heddlu, Troeddu, Dedfrydu a'r Llysoedd. Mae argymhellion eraill eisoes wedi cael eu cyflwyno drwy greu Adran Diogelwch Gwladol yn y Gwasanaeth Prawf i reoli

troeddwy'r terfysgol. Mae'r Ysgrifennydd Gwladol hefyd wedi diwygio Canllawiau statudol MAPPA ar droeddwy'r terfysgol.

Mae'r Gwasanaeth Prawf, drwy'r NSD, wedi creu gweithlu arbenigol ymroddedig a medrus, sy'n darparu lefel uwch o reolaeth ac ymyrraeth ar gyfer y troeddwy'r mwyaf risg uchel, cymhleth ac uchel eu proffil yn y gymuned. Bydd hyn yn cynnwys rheoli troeddwy'r sy'n gysylltiedig â therfysgaeth a throeddwy'r sy'n peri risg o derfysgaeth. Mae pum uned diogelwch gwladol wedi cael eu sefydlu gan y Gwasanaeth Prawf ledled Cymru a Lloegr yn ystod 2020/21. Bydd yr NSD a Phlisma Gwrthderfysgaeth yn gweithio'n agos gyda Byrddau Rheoli Strategol lleol i sicrhau bod achosion o derfysgaeth yn cael eu rheoli'n gadarn. Mae'r NSD hefyd yn rheoli troeddau cyfundrefnol difrifol ac achosion diogelu'r cyhoedd mwyaf risg uchel ac uchel eu proffil.

Mae holl adroddiadau MAPPA Cymru a Lloegr yn cael eu cyhoeddi ar-lein yn: www.gov.uk

Ystadegau MAPPa

Troseddwy'r cymwys am MAPPa ar 31 Mawrth 2021				
	Categori 1: Troseddwy'r rhyw cofrestredig	Categori 2: Troseddwy'r treisgar	Categori 3: Troseddwy'r peryglus eraill	Cyfanswm
Lefel 1	789	300	-	1089
Lefel 2	4	23	6	33
Lefel 3	2	1	0	3
Cyfanswm	795	324	6	1125

Troseddwy'r cymwys am MAPPa yn Lefelau 2 a 3 yn ôl categori (cyfanswm blynyddol)				
	Categori 1: Troseddwy'r rhyw cofrestredig	Categori 2: Troseddwy'r treisgar	Categori 3: Troseddwy'r peryglus eraill	Cyfanswm
Lefel 2	37	95	13	145
Lefel 3	4	7	1	12
Cyfanswm	41	102	14	157

Troseddwy'r rhyw cofrestredig (RSO) a gafodd rybudd neu euogfarn am dorri gofynion hysbysu	7
---	---

Troseddwy'r RSO lle penderfynwyd diddymu eu gofyniad hysbysu gydol oes drwy wneud cais	2
---	---

Gorchmynion cyfyngu ar gyfer troseddwy'r Categori 1	
Gorchmynion Atal Niwed Rhywiol (SHPO), Gorchmynion SHPO gyda chyfyngiad ar fynd dramor a Gorchmynion Hysbysu a osodir gan y llysoedd	
SHPO	42
SHPO gyda chyfyngiad ar fynd dramor	0
Gorchmynion Hysbysu (NO)	0

Nifer y bobl a ddaeth yn destun gofynion hysbysu'n dilyn torri Gorchymyn Risg Rhywiol (SRO)

1

Troseddwy'r Lefel 2 a 3 wedi eu dychwelyd i'r carchar				
	Categori 1: Troseddwy'r rhyw cofrestredig	Categori 2: Troseddwy'r treisgar	Categori 3: Troseddwy'r peryglus eraill	Cyfanswm
Torri trwydded				
Lefel 2	5	12	3	20
Lefel 3	1	1	0	2
Cyfanswm	6	13	3	22
Torri SOPO				
Lefel 2	0	-	-	0
Lefel 3	0	-	-	0
Cyfanswm	0	-	-	0

Cyfanswm nifer y Troseddwy'r Rhyw Cofrestredig fesul 100,000 o'r boblogaeth

150

Mae'r ffigur hwn wedi'i gyfrifo gan ddefnyddio'r Amcangyfrifon Poblogaeth Canol 2020: Oedran a rhyw ar gyfer Ardaloedd yr Heddlu yng Nghymru a Lloegr fesul blwyddyn; amcangyfrif o'r boblogaeth breswyl, a gyhoeddwyd gan y Swyddfa Ystadegau Gwladol, ac eithrio plant dan ddeg oed.

Esboniad o'r tablau ystadegol

Cefndir MAPPA

Mae cyfanswm y troseddwr sy'n gymwys ar gyfer MAPPA, yn ôl categori, yn adlewyrchu'r darlun ar 31 Mawrth 2021 (hy, maent yn rhoi cipolwg). Mae gweddill y data'n ymwneud â'r cyfnod rhwng 1 Ebrill 2020 a 31 Mawrth 2021.

(a) Troseddwr sy'n gymwys ar gyfer MAPPA – mae nifer o droseddwr yn gymwys ar gyfer trefniadau rheoli MAPPA yn ôl y diffiniad cyfreithiol oherwydd eu bod wedi cyflawni troseddau rhyw a threisgar penodol, neu oherwydd eu bod yn achosi risg o niwed difrifol, er bod y rhan fwyaf yn cael eu rheoli ar Lefel 1 yn hytrach na thrwy gyfarfodydd MAPPA. Mae'r ffigurau hyn yn cynnwys dim ond y troseddwr sy'n gymwys ar gyfer MAPPA ac sy'n byw yn y gymuned. Nid ydynt yn cynnwys rhai sydd yn y carchar neu dan glo o dan y Ddeddf Iechyd Meddwl.

(b) Troseddwr Rhyw Cofrestredig (RSO) – sef y rhai sydd angen hysbysu'r heddlu ynghylch eu henw, cyfeiriad a manylion personol eraill a rhoi gwybod iddynt am unrhyw newidiadau sy'n digwydd wedyn (sef y "gofyniad hysbysu"). Mae'r troseddwr hyn yn cael eu hasesu a'u rheoli gan yr heddlu. Gallant hefyd gael eu rheoli gan y gwasanaeth prawf neu'r gwasanaeth iechyd os ydynt yn destun trwydded neu orchymyn ysbyty. Mae methu â chydymffurfio â'r gofyniad hysbysu'n drosedd sy'n arwain at uchafswm cosb o bum mlynedd yn y carchar.

(c) Troseddwr Treisgar – mae'r categori hwn yn cynnwys troseddwr treisgar a ddedfrydwyd i garchar neu i'w cadw dan glo am 12 mis neu fwy, neu i'w cadw o dan orchymyn ysbyty. Mae hefyd yn cynnwys nifer fach o droseddwr rhyw nad ydynt yn gymwys i gael eu cofrestru. Mae'r troseddwr hyn yn cael eu hasesu a'u rheoli gan y Gwasanaeth Prawf, y Tîm Troseddwr Ifanc neu'r Gwasanaethau Iechyd Meddwl.

(d) Troseddwr Peryglus Eraill – troseddwr nad ydynt yn gymwys o dan y ddau gategori cymwys ar gyfer MAPPA eraill ond sy'n cyflwyno risg o niwed difrifol sydd angen ei reoli drwy gyfarfodydd MAPPA. Mae'r troseddwr hyn yn cael eu hasesu a'u rheoli gan yr asiantaeth sy'n bennaf gyfrifol amdanynt.

(e) Torri trwydded – bydd troseddwr sy'n cael eu rhyddhau i'r gymuned ar ôl cyfnod yn y carchar yn cael eu rhoi ar drwydded gydag amodau (o dan oruchwyliaeth y gwasanaeth prawf). Os na chydymffurfir â'r amodau hyn, cymerir camau tor-amod a gallai'r troseddwr gael ei alw'n ôl i'r carchar.

(f) Gorchymyn Atal Niwed Rhywiol (SHPO) (gan gynnwys unrhyw gyfyngiad ychwanegol ar fynd dramor). Mae Gorchymynion Atal Niwed Rhywiol (SHPO) a Gorchymynion SHPO interim wedi disodli'r hen Orchymynion Atal Troseddau Rhywiol. Eu pwrpas yw gwarchod y cyhoedd rhag troseddwr a gafwyd yn euog o drosedd rywiol neu dreisgar, ac sy'n cyflwyno risg o niwed rhywiol i'r cyhoedd, drwy osod cyfyngiadau ar eu hymddygiad. Maent yn gofyn bod y troseddwr yn rhoi eu manylion i'r heddlu (yn unol â Rhan 2 o Ddeddf 2003) drwy gydol cyfnod y gorchymyn.

Rhaid i'r llys fod yn fodlon bod angen y gorchymyn i warchod y cyhoedd (neu unrhyw aelodau penodol o'r cyhoedd) yn y DU, neu blant neu oedolion agored i niwed (neu unrhyw blant neu oedolion agored i niwed penodol) dramor, rhag niwed rhywiol gan y troseddwr. Yn achos gorchymyn a wneir ar gais annibynnol gan brif swyddog neu'r Asiantaeth Droseddu Genedlaethol (NCA), rhaid i'r prif swyddog / NCA ddangos bod y troseddwr wedi ymddwyn yn y fath fodd ers ei gael yn euog fel bod angen y gorchymyn.

Y cyfnod lleiaf ar gyfer gorchymyn llawn yw pum mlynedd. Yr isafswm oed yw deg, sef oed cyfrifoldeb troseddol, ond lle mae'r diffynnydd o dan 18 oed dylid ond ystyried cais am orchymyn mewn amgylchiadau eithriadol.

(G) Gorchymyn Hysbysu – lle mae angen i droseddwr rhyw a gafwyd yn euog dramor gofrestru â'r heddlu er mwyn diogelu'r cyhoedd yn y DU rhag y risg a gyflwynir ganddynt. Gall yr heddlu wneud cais i'r llys am orchymyn hysbysu ar gyfer troseddwr sydd eisoes yn y DU neu sy'n bwriadu dod i'r DU.

(h) Gorchymyn Risg Rhywiol (gan gynnwys unrhyw gyfyngiad ychwanegol ar fynd dramor). Mae'r Gorchymyn Risg Rhywiol (SRO) wedi disodli'r Gorchymyn Risg o Niwed Rhywiol (RoSHO) a gallai

gael ei wneud ar gyfer person sydd heb ei gael yn euog o drosedd rywiol neu dreisgar (nac unrhyw drosedd arall) ond sy'n cyflwyno risg o niwed rhywiol.

Gall y SRO gael ei wneud mewn llys ynadon ar gais yr heddlu neu'r NCA lle mae unigolyn wedi cyflawni gweithred o natur rywiol ac mae'r llys yn fodlon bod y person yn cyflwyno risg o niwed i'r cyhoedd yn y DU neu i blant neu oedolion agored i niwed dramor.

Gall SRO wahardd person rhag gwneud unrhyw beth a ddisgrifir yn y gorchymyn, gan gynnwys mynd dramor. Rhaid i unrhyw waharddiad fod yn angenrheidiol i warchod y cyhoedd yn y DU rhag niwed rhywiol, neu yng nghyswllt mynd dramor, gwarchod plant neu oedolion agored i niwed rhag niwed rhywiol.

Mae'n ofynnol i unigolyn gyda SRO hysbysu'r heddlu ynghylch eu henw a'u cyfeiriad cartref o fewn tri diwrnod i wneud y gorchymyn a hefyd rhoi gwybod am unrhyw newidiadau i'r wybodaeth yma o fewn tri diwrnod.

Mae SRO yn gallu para am ddwy flynedd o leiaf ond heb unrhyw uchafswm, ac eithrio unrhyw gyfyngiadau ar fynd dramor sy'n gallu, lle mae'n berthnasol, para am bum mlynedd ar y mwyaf (ond gall gael ei adnewyddu).

Mae'r safon droseddol o brawf yn parhau i fod yn berthnasol. Gall y person sy'n destun y gorchymyn apelio yn ei erbyn a gall yr heddlu neu'r person dan sylw wneud cais i amrywio, adnewyddu neu ollwng y gorchymyn.

Mae torri SRO yn drosedd a'r uchafswm cosb yw pum mlynedd yn y carchar. Lle mae unigolyn yn torri ei SRO, bydd yn dod yn destun gofynion hysbysu llawn.

Mae unigolion gyda SRO erbyn hyn yn cael eu cofnodi ar VISOR fel Person Peryglus Posib (PDP).

(i) Diddymu gofynion hysbysu gydol oes drwy wneud cais

Mae her gyfreithiol yn 2010 ac ymateb deddfwriaethol o ganlyniad yn golygu bod trefniadau bellach yn eu lle sy'n gadael i droseddwyr rhyw cymwys wneud cais i adolygu eu gofynion hysbysu. Ni fydd pobl yn dod oddi ar y gofrestr yn awtomatig. Gall troseddwyr cymwys gyflwyno cais i'r heddlu adolygu eu gofynion hysbysu amhenodol. Bydd yr heddlu'n adolygu'r cais ac yn penderfynu a ddylid diddymu'r gofynion hysbysu. Gwneir y penderfyniad hwn ar lefel Uwch-arolygydd. Bydd pobl sy'n parhau i gyflwyno risg sylweddol yn aros ar y gofrestr am oes, lle bo angen.

Bydd unigolion ond yn dod yn gymwys i ofyn am adolygiad ar ôl bod yn destun gofynion hysbysu amhenodol am o leiaf 15 mlynedd yn achos oedolion, ac 8 mlynedd yn achos troseddwyr ifanc. Daeth hyn i rym o 1 Medi 2012 ymlaen ar gyfer troseddwyr sy'n oedolion.

Tudalen leol

Gwasanaeth Carchardai a Phrawf Ei Mawrhydi a Heddlu Gwent:

Amanda Lewis, Pennaeth Uned Gyflawni Gwasanaeth Prawf Gwent – Prawf
Giles Mason, Llywodraethwr, Carchar EM Brynbuga, Carchar EM a Sefydliad
Troseddwr Ifanc Prescoed a Chanolfan Hyfforddi Fferm Cilwrgi
Ian Roberts, Prif Gwnstabl Cynorthwyol, Heddlu Gwent

Mae gweledigaeth Bwrdd Rheoli Strategol MAPPA Gwent o sicrhau bod troseddwr yn cael eu rheoli ar y lefel briodol, gyda'r nifer priodol o adnoddau, yn sail i waith MAPPA ar draws Uned Gyflawni'r Gwasanaeth Prawf. Mae MAPPA yn cael ei gadeirio ar y cyd gan y Gwasanaeth Prawf a'r Heddlu, ac mae pob Cadeirydd MAPPA yn sicrhau bod asiantaethau'r Awdurdodau Cyfrifol/Dyletswydd i Gydweithredu yn cael eu cynnwys er mwyn creu cynllun rheoli risg a dull gweithio ar y cyd cadarn i reoli ymddygiad troseddol a sgrinio achosion a drafodwyd yn ystod cyfarfodydd MAPPA.

Mae cyd-barch a dealltwriaeth rhwng yr Awdurdodau Cyfrifol a'r Ddyletswydd i Gydweithredu ynghylch yr heriau mae pob asiantaeth yn eu hwynebu, yn enwedig yr asiantaeth dai. Mae hyn wedi creu perthynas fwy ymatebol a sicrhau bod adnoddau'n cael eu defnyddio mewn ffordd fwy cost-effeithiol a phriodol i risg.

Mae uwch-gynrychiolwyr yr asiantaethau sy'n ymwneud â rheoli/cefnogi troseddwr yn cael eu gwahodd i gyfarfodydd y Bwrdd Rheoli Strategol i gyflwyno nodau ac amcanion eu sefydliad a dangos sut mae eu mewnbwn yn cyfrannu at y cynllun rheoli risg. Mae hyn, yn ei dro, yn cynyddu'r amrywiaeth o adnoddau sydd ar gael i annog ymatal a diogelwch dioddefwyr.

Mae Dangosyddion Perfformiad Allweddol Gwent yn parhau i ddangos presenoldeb cadarnhaol yr holl asiantaethau perthnasol yng nghyfarfodydd MAPPA ac mae hyn yn dangos sut mae ethos MAPPA yn ein galluogi i reoli troseddwr a diogelu'r cyhoedd. Dangosir hyn drwy ymrwymiad partneriaid i fynychu cyfarfodydd, a gynhelir weithiau'n fyr rybudd, i sicrhau bod cynllun rheoli risg cadarn ar waith. Mae'r Dangosyddion Perfformiad Allweddol hefyd yn dangos natur ymatebol yr achosion sy'n cael eu cyfeirio a'u trefnu ar gyfer cyfarfodydd MAPPA.

Mae uned MAPPA Gwent yn cael ei rheoli gan Dîm Amddiffyn y Cyhoedd ac Adeiladau Cymeradwy Cymru ac mae wedi'i lleoli yng Ngwasanaeth Prawf Gwent, sy'n sicrhau cyfathrebu agored a chysondeb ymarfer.

Fel y brif asiantaeth, mae Gwasanaeth Prawf Gwent yn llywodraethu ac yn cydlynu'r gwaith o reoli'r holl brosesau rheoli troseddwr yn ogystal ag achosion MAPPA. Mae hyn yn galluogi dull effeithiol a chydlynol o ganfod a rheoli risg, lleihau aildroseddu a diogelu'r cyhoedd a dioddefwyr.

Mae Gwasanaeth Prawf Gwent yn ymdrechu'n gyson i wella ei ddarpariaethau a datblygu arferion sy'n ategu trefniadau MAPPA, fel cyflwyno un pwynt cyswllt ar gyfer trosglwyddo achosion MAPPA ledled Cymru a Lloegr. Mae rhai achosion eithriadol hefyd nad ydynt bellach dan reolaeth statudol y Gwasanaeth Prawf ac sy'n cael eu rheoli gan yr Heddlu'n unig. Pan nodir bod angen rheolaeth ychwanegol ar yr achosion hyn, mae Gwasanaeth Prawf Gwent yn parhau i ddarparu goruchwyliaeth wirfoddol ar gyfer y troseddwr hynny yn y gymuned, gan helpu, monitro a chysylltu'n barhaus â'r asiantaethau priodol.

Mae swyddogion rheoli troseddwr rhyw a threisgar yn cael eu rheoli gan Uned Diogelu'r Cyhoedd yr Heddlu, sy'n cael ei chefnogi'n agos gan dimau plismona eraill. Mae'r rhain yn cynnwys yr Ymchwilyr Seiberdroseddu a'r Cyfryngau Digidol, sy'n gallu craffu a monitro defnydd troseddwr o delegyfathrebiadau a'r rhyngwyd. Mae timau targedu'n cael eu defnyddio'n aml i wella gwaith swyddogion rheoli troseddwr rhyw a threisgar er mwyn sicrhau eu bod yn cydymffurfio â gorchmynion cyfyngu, ac mae timau plismona yn y gymdogaeth yn chwarae rhan bwysig yn y gwaith o gefnogi gwaith

staff arbenigol o bob asiantaeth yn MAPPA. Mae hyn wedi arwain at lawer o ganlyniadau llwyddiannus, o ran atal troseddu pellach ac o ran canfod a mynd i'r afael ag achosion o dorri gorchmynion cyfyngu a gofynion hysbysu.

Mae Gwasanaeth Prawf Gwent a'r Heddlu yn parhau i weithio'n effeithiol gyda phartneriaid ac mae wedi ymrwymo i reoli MAPPA yn effeithiol er mwyn lleihau'r risgiau a gyflwynir yn y gymuned.

Mae Carchardai GCPEM yng Nghymru hefyd yn rhan annatod o'r gwaith o reoli troseddwr yn y ddalfa ac maent yn cyfrannu at gynlluniau rheoli risg troseddwr sy'n cael eu rhyddhau i'r gymuned, er mwyn sicrhau parhad ymyriadau a rhannu gwybodaeth.

Mae COVID 19 wedi cyflwyno nifer o heriau mewn perthynas â'r cyfyngiadau a osodwyd i reoli lledaeniad y feirws. Fodd bynnag, yng Ngwent ac ar draws Cymru, mae mesurau arbennig wedi cael eu rhoi ar waith, gan gynnwys defnyddio technoleg, i sicrhau bod trefniadau MAPPA yn parhau i gael eu rhoi ar waith.

Mae tystiolaeth o welliannau parhaus wedi'i nodi yng Nghynllun Strategol Blynyddol MAPPA. Mae rhannu arferion da ledled Gwent a Chymru yn sicrhau bod gan gymunedau lleol a'r system cyfiawnder troseddol ehangach hyder yn MAPPA a'r gwaith i Ddiogelu'r Cyhoedd. Rydym yn edrych ymlaen at adeiladu ar hyn ymhellach yn 2021/2022.

Sue Harris, Rheolwr Partneriaethau DWP

Fel Sefydliad Dyletswydd i Gydweithredu, rwy'n falch o ddweud fy mod wedi cefnogi'r broses o drosglwyddo nifer o droseddwr sy'n cael eu rheoli gan MAPPA o'r Carchar i wneud hawliadau am fudd-daliadau perthnasol. Mae hyn wedi cynnwys:

- Cysylltu â Chredyd Cynhwysol, Pensiynau a Thaliad Annibyniaeth Personol i gefnogi unigolion a fyddai fel arall yn cael trafferth gyda'r broses hawlio
- Trefnu Aseidiadau Gallu i Weithio ar gyfer unigolion sydd â chyflyrau iechyd
- Gweithio'n agos gyda'r Gwasanaeth Prawf i sicrhau bod y taliadau cywir yn cael eu gwneud ac yn amlach pan fydd cyllidebu'n broblem
- Helpu gyda Thaliadau a Reolir i Landlordiaid i ddiogelu tenantiaethau
- Cysylltu â staff y Ganolfan Waith leol i ddarparu'r wybodaeth ddiweddaraf i'w cefnogi nhw a'r troseddwr.

Cally O'Hara, Cydlynnydd MAPPA Gwent

Nod y dudalen olaf hon yw rhoi trosolwg o'r gwaith a wnaed yn ystod y flwyddyn fusnes ddiwethaf a rhoi cipolwg ar gynlluniau gwaith ar gyfer y flwyddyn ddilynol. Ym mis Mai 2020, daeth cynnod o 7 mlynedd i ben ar gyfer ein Cynghorydd Dudley Harmston. Mae Deddf Cyfiawnder Troseddol 2003 yn mynnu bod y gweinidog yn penodi dau Gynghorydd Lleyg ar gyfer pob Awdurdod Cyfrifol. Mae Cynghorwyr Lleyg yn benodiadau cyhoeddus ac yn ddi-dâl. Eu rôl yw monitro effeithiolrwydd MAPPA ac ymgynghori ynghylch unrhyw newid a wneir er mwyn sicrhau gwelliant. Mae Cynghorwyr Lleyg yn gweithredu fel "ffrindiau beirniadol" er mwyn gofyn cwestiynau a herio gweithwyr proffesiynol. Maent yn rhan reolaidd o archwiliadau ac yn arsylwi cyfarfodydd lefel 2 a 3 er mwyn monitro a gwerthuso'r broses. Roedd Dudley yn rhan bwysig o'r gwaith o fonitro a gwerthuso prosesau MAPPA yng Ngwent, gan gynnwys cynorthwyo gydag archwiliadau. Roedd yn chwarae rhan weithredol yng nghyfarfodydd y Bwrdd Rheoli Strategol a llwyddodd i gael cydbwysedd rhwng cefnogi'r bwrdd a'n herio a'n dal i gyfrif pan fo angen. Hoffwn fanteisio ar y cyfle hwn i ddiolch i Dudley am ei gymorth a'i gefnogaeth dros y blynyddoedd. Dechreuodd y broses o recriwtio Cynghorwyr Lleyg ym mis Mehefin 2020 a chafwyd ceisiadau gan nifer o ymgeiswyr cryf. Penodwyd ein hymgeisydd llwyddiannus cyntaf gan y Gweinidog Gwladol dros Gyfiawnder ym mis Mehefin 2020, ac wedyn ein hail benodiad ym mis Mai 2021. Ieuan Watkins a David Thomas oedd yr ymgeiswyr llwyddiannus. Rwy'n edrych ymlaen at weithio gyda'r ddau ohonynt yn y dyfodol.

Yn olaf, hoffwn ddiolch i holl gadeiryddion ac aelodau'r panel am eu gwaith caled dros y flwyddyn ddiwethaf. Mae cydweithio â phartneriaid yn hanfodol i sicrhau bod trefniadau MAPPA yn cael eu darparu'n effeithiol ac mae cadeiryddion y paneli wedi cynnal eu proffesiynoldeb ac wedi addasu i ddulliau eraill o gadeirio o ganlyniad i COVID19.

Rwy'n edrych ymlaen at y flwyddyn nesaf i ddatblygu trefniadau MAPPA ymhellach yng Ngwent.

Manylion cyswllt Cydlynnydd MAPPA Gwent:

Cally O'Hara
Swyddfa Prawf Caerffili, Uned 1 De Clare Court, Stad Ddiwydiannol Pontygwindy, Caerffili CF83 3HU

Mae holl adroddiadau MAPPA Cymru a Lloegr yn cael eu cyhoeddi ar-lein yn:

www.gov.uk



Heddlu
Gwent
Police